




Recueil n°1.

20











Case
F
39
1326

1415 p-42

no. 4
ARREST DE LA

COVR DE PARLEMENT,
CONTRE LE PRINCE DE
Condé & autres Princes, Seigneurs
& Gentils-hommes, qui sans per-
mission du Roy & contre son au-
torité, depuis son absence ont
pris les armes & commettent tous
actes d'hostilité, qui vont à la ruine
& desolation de son pauvre peuple.



A PARIS,
Par FED. MOREL & P. METTAYER,
Imprimeurs ordinaires du Roy.

clo. lxxv.

Avec privilege de sa Majesté.



Extraict des registres de Parlement.



A Cour toutes
les Chambres as-
semblees, delibe-
rant sur les lettres
patentes du dixiesme de ce
mois, cōtre le Prince de Cō-
dé & autres Princes & Sei-
gneurs, qui sans permission
du Roy & cōtre son aucto-
rité, pēdant son absence ont
pris les armes, decerné Cō-
missions pour faire leuee de

gens de guerre , en assemblent, marchent avec le canon , entreprennent sur ses villes, prennent ses deniers, depouillent les officiers, emprisonnent ses sujets & commettent tous autres actes d'hostilité, à la ruine & desolation de son pauvre peuple , desirant pendant l'esloignement dudit Seigneur y pourvoir , & remedier à si pernicieux & mauuais exemples , qui vont au preiudice de son obeïssance & repos public: Oy le Procureur General du Roy, A faict & faict

4

inhibitions & defences au-
dit Prince de Condé, & à
tous autres Princes, Ducs,
Pairs, Seigneurs, Gentils-
hommes qui l'assistent,
continuer leurs assemblees
& ports d'armes, & tant
audit Prince qu'à tous au-
tres de quelque qualité ou
condition qu'ils soient, fai-
re aucune leuee de gens de
guerre dedans & dehors
le Royaume, marcher en
la campagne en corps d'ar-
mee ou autrement, sans
permission du Roy par
lettres patentes signees de
l'un de ses Secretaires d'E-

stat, & scellees : ny entre-
prendre sur ses villes &
places, prendre ses deniers,
& ses officiers & sujets pri-
sonniers, ny commettre
aucuns actes & entreprises
contre l'auctorité du Roy
& tranquillité publique:
Ains enjoinct à ceux qui
ont pris les armes de les
poser & se separer, donner
liberté ausdits prisonniers
qu'ils detiennent, & aux
receptes du Roy remettre
ses deniers y pris, & tou-
tes choses en tel estat que
elles estoient auant la pri-
se des armes, & dans vn

mois se rendre ledit Prince,
ensemble les autres Prin-
ces , Ducs , Pairs & offi-
ciers de la Couronne pres
du Roy, pour luy rendre
le seruice auquel leur nais-
sance , dignité & charge
les obligent , & aux Sei-
gneurs, Capitaines, & au-
tres qui les assistent dans
ledit temps, soy retirer en
leurs maisons, & aux Gref-
fes des Bailliages & sieges
de leur ressort , faire de-
claration de leur obeis-
sance , dont ils bailleront
acte aux Substituts du
Procureur general du Roy.

Et à faute ⁷ d'y satisfaire
dans le mois , & iceluy
passé, ordonne qu'en ver-
tu du present Arrest, sera
contre les contreuenans
de quelque qualité ou cō-
dition qu'ils soient , pro-
cedé comme criminels de
leze-Majesté , & pertur-
bateurs du repos public,
leurs biens reunis au do-
maine du Roy , & eux des-
cheuz de toutes dignitez,
grades, priuileges, gouuer-
nemens , charges & pen-
sions. Et à ce qu'il leur soit
notoire, Ordonne qu'il se-
ra publié tant par les Bail-

liages, Seneschauſſes, &
autres ſieges, que à ſon de
trompe, & affiché aux
lieux accouſtumez, à la
diligence des Subſtituts
du Procureur General du
Roy, auxquels enjoinct ce
faire, & aux Iuges proce-
der à l'exécution: à peine
contre chacun d'eux d'en
reſpondre en leurs noms,
comme fauteurs & com-
plices des contreuenans.
Fait en Parlement le dix-
huietiſme Septembre, mil
ſix cens quinze.

Signé,

DV TILLET.